



Inatsisartunut ilaasortaq
Aleqa Hammond
Siumut

§ 36 malillugu nr. 2009-118 kulturrådip aammalu kulturip ulluanik atorunnaarsitsineq pillugit apeqqummut akissut

Inatsisartut suleriaasianni § 36, imm. 1 naapertorlugu 18. oktober 2009-mi Naalakkersuisunut ima apeqquteqarputit:

Naalakkersuisut kulturråd aammalu kulturip ullua atorunnaarsippaat aammalu 2010-mut kulturikkut suliniutissat nutaat takussutissaqaratik, taamaammat apeqqutigiumavara kulturrådip aammalu kulturip ulluani atorunnaarsitsineq sunik tunngavilersuuteqarnikkut piva?

Akissut: Anersaarta 28. september 2007-imi nunatsinni kulturimut tapersersuillutik akerliussutsimik takutitsipput. Tamatuma kingorna taamani Naalakkersuisuusut nuna tamakkerlugu kulturip ulluanik atuutilersitsipput 2008-mi 2009-milu immikkut aningaasanik immikkoortitsisoqarluni. 2010-mut aningaasanut inatsit pillugu tunngavissiami immikkut kulturip ulluanut aningaassanik atugassaqartitsisoqarunnaarpoq. Tamanna aningaasat immikkoortitat kulturip ulluanik aallartitsinermut atorneqarnissaannik siunissamilu kulturip ullorisinnaasaasa kommunimit isumagi-neqalernissaannik Naalakkersuisuusimasut siunertaannut naapertuulluinnarpoq. Taamaattumik 2010-mit kommunit namminneq aalajangissavaat kulturimut aningaasaliissutisiaminni kulturip ulluanik nalliuttorsiortarusunnerlutik.

Kulturrådiusimasut kulturimillu ingerlataqarsimasut aamma nuna tamakkerlugu kulturimut ulloqartitsisalernissaq apeqquserlugulu akerlerisimavaat, tamannalu Naalakkersuisuusimasut maannalu Naalakkersuisut aalajangiineranni taperserpeqarpoq.

Namminersorlutik Oqartussani suliassaqarfinni tamani sipaarniarnerit Naalakkersuisuusimasunit pilersaarusiorneqarsimapput Naalakkersuisunngortullu sipaarniutissatut siunnersuutininik aalajangiusimannillutik. Tamatumani aamma kulturråd aamma idrættens råd aningaasanut inatsimmi ataatsimut pingaarnertut kontoqarsimasut (konto pingaarneq 40.01.17) pineqarput. Grønlands Idrætsforbund aqutigalugu Naalakkersuisut timersornermi kattuffinnut ingerlaavartumik toqqaannartumillu attaveqartarput taamaattumillu timersorneq pillugu siunnersuisoqatigiinnik peqarnissaq pisariaqarsorineqarani.

28. oktober 2009
Sags nr. 2007-003194
Dok.nr. 250812

Postboks 1029
3900 Nuuk
Tlf: +299 345000
Fax: +299 322073
Email: kiiip@gh.gl

2008-mi decembarimi kultureqarneq pillugu isumasioqatigiinnermi eqqumiitsuliortut nuna tamakkerlugu kulturikkut kattuffilorsinnaanermut periarfissat eqqartorpaat. Tamanna kulturikkut kattuffinnit assigiinngitsunit Naalakkersuisuusimasuniillu kaammattorneqarpoq. Taamaattumik eqqumiitsuliortut kattuffiannik pilersitsinissamut suliniuteqarnissamut Naalakkersuisut 2009-mi aningaasaliissuteqarput. Kattuffik pilersinneqariapat tamatuma kingunerissavaa kulturradiusimasumut taarsiullugu Naalakkersuisut kulturimillu ingerlatallit akornanni allatut suleqatigiinnis-saq.

Kulturrådip kulturillu ullua atorunnaarsinneqarmat allanik sunik naalakkersuisut kulturikkut suliniutit nukittorsarniarpai?

Akissut: Kulturikkut kattuffiit assigiinngitsut siulittaasui arfininngornermi 24. oktober 2009-mi kultureqarneq pillugu ataatsimiigiaquakka. Ataatsimiinnermi Atuakkiortut Peqatigiiffiat (KA), Isiginnaartitsisartut Peqatigiiffiat (KAISKA), filmiliortartut (Assilissat), Erinarsoqatigiit kattuffiat (KNEK), Nipilersortartut kattuffiat (INNK), kiisalu Eqqumiitsuliortut Kattuffiat (KIMIK) peqataassapput. Tamatuma saniatigut Naalakkersuisut siunissami kultureqarneq pillugu politikimik suliaqarput.

Kulturråd aammalu kulturip ulluata atorunnaarsinnissaa sioqqullugu sumut kikkunnullu tusarniaasoqarpa?

Akissut: Kulturradiusimasut ataatsimiinnerminni nuna tamakkerlugu kulturip ulluanik atuutilersitsinissaq eqqartorsimavaat. Akissummi matumani siusinnerusukkut allaaserineqartutut Naalakkersuisuusimasut aningaasanut inatsimmut sipaarniutissanik siunnersuutit suliaqarnerminniillu nuna tamakkerlugu kulturip ulluanut aningaasaliissutit peerneqarnissaat siunertarisimavaat, tamannalu Naalakkersuisunngortut atuutsiinnarpaat.

Kulturikkut kattuffiit siulittaasui 24. oktober 2009-mi ataatsimiinnermi kulturråd pillugu nalunaarutip atorunnaarsinneqarnera pillugu ilisimatinneqassapput. Tamatuma saniatigut 2008-mi decembarimi kultureqarneq pillugu isumasioqatigiinnermi peqataasut oqaatigaat kulturrådeqarnermi periuseq nutaanngilisimasoq allatigullu iluar-sisamik nukittorsakkamilluunniit suleqatigiittoqartariaqartoq.

Ukiuni tulluuttuni kulturimut tunngasuni ingerlatallinnik siumut eqqarsartumik suleqateqarluarnissaq qilanaaraara.

Ikinngutinnersumik inuulluaqqusillunga

Mimi Karlsen